

# 佛說摩利支天菩薩 薩陀羅尼經

大興善寺三藏沙門不空奉 詔譯



南無本師釋迦牟尼佛

## 說明

本繁體校正版《佛說摩利支天菩薩陀羅尼經》電子書，根據《高麗大藏經》宋續入藏經，第 1372 部，大興善寺三藏沙門不空奉詔譯《佛說摩利支天菩薩陀羅尼經》原藏影印本校正，句讀僅供參考。

本電子書是免費結緣品。特此說明。

仁慧草堂

二〇一九年八月



掃碼關注仁慧草堂微信公眾號



## ●起誦儀

### 香讚

(一編)

爐香乍爇. 法界蒙薰. 諸佛海會悉遙聞. 隨處結  
祥雲. 誠意方殷. 諸佛現全身.

南無香雲蓋菩薩摩訶薩 (合掌三稱)

### 淨口業真言

(三編)

唵. 修唎. 修唎. 摩訶修唎. 修修唎. 薩婆訶.

### 淨三業真言

(三編)

唵. 娑嚩. 娑嚩秫馱. 娑嚩達摩娑嚩. 娑嚩秫度憾.

### 安土地真言

(三編)

南無三滿多. 母馱喃. 唵. 度嚕度嚕. 地尾. 娑婆訶

### 普供養真言

(三編)

唵. 誡誡曩. 三婆嚩. 禡日囉斛.

南無本師釋迦牟尼佛（合掌三稱）

## 開經偈

（一編）

無上甚深微妙法 百千萬劫難遭遇  
我今見聞得受持 願解如來真實義

# 佛說摩利支天菩薩陀羅尼經

大興善寺三藏沙門不空奉 詔譯

如是我聞：

一時，佛在舍衛國祇樹給孤獨園，與大阿羅漢千二百五十人俱，復有無量大菩薩眾，彌勒菩薩、曼殊室利菩薩、觀世音菩薩而為上首，及摩利支等諸天龍八部前後圍遶。

爾時，舍利弗即從座起，偏袒右肩，右膝著地，合掌向佛，而白佛言：「世尊！於未來世末世眾生，作何等法得脫諸難？」

佛告舍利弗：「諦聽！諦聽！我今為汝說於此事。」

爾時，會眾歡喜踊躍，重勸請佛。

爾時，世尊告諸比丘：「日前有天，名摩利支，有大神通自在之法，常行日前，日不見彼，彼能見日，無人能見，無人能知，無人能捉，無人能害，無人欺誑，無人能縛，無人能債其財物，無人能罰，不畏怨家能得其便。」

佛告諸比丘：「若有人知彼摩利支天名者，彼人亦不可見，亦不可知，亦不可捉，亦不可害，



亦不為人欺誑，亦不為人縛，亦不為人債其財物，亦不為人責罰，亦不為怨家能得其便。」

佛告諸比丘：「若善男子、善女人，知彼摩利支天名者，應作是言：『我弟子某甲，知彼摩利支天名故，無人能見我，無人能知我，無人能捉我，無人能害我，無人能欺誑我，無人能縛我，無人能債我財物，無人能責罰我，亦不為怨家能得我便。』此呪有大神力，所作成就，破一切惡，若用結界，百由旬內一切諸惡無敢入者。」

爾時，世尊即說呪曰：

「南無佛陀耶<sup>一</sup>南無達摩耶<sup>二</sup>南無僧伽耶<sup>三</sup>怛姪他<sup>四</sup>遏囉迦末斯<sup>五</sup>摩囉迦末斯<sup>六</sup>蘇途末斯<sup>七</sup>支鉢囉末斯<sup>八</sup>摩訶支鉢囉末斯<sup>九</sup>摩利支夜末斯<sup>十</sup>安怛陀那夜末斯<sup>十一</sup>那謨粹都底<sup>十二</sup>莎訶<sup>十三</sup>

「王難中護我，賊難中護我，行路中護我，失於道路曠野中護我，晝日護我，夜中護我，水難中護我，火難中護我，羅刹難中護我，茶枳你鬼難中護我，毒藥難中護我，佛實語護我，法實語護我，僧實語護我，天實語護我，仙人實語護我。」

「怛姪他<sup>一</sup>阿羅拘隸<sup>二</sup>阿囉拘隸<sup>三</sup>雞栗底<sup>知約反四</sup>薩婆迦囉醯蔽<sup>蔽亞反下同五</sup>薩蒲跋突瑟齧<sup>二合</sup>蔽<sup>六</sup>薩婆伊都波達

羅鞞蔽<sup>七</sup>囉<sup>上音</sup>叉囉<sup>上音</sup>叉<sup>自稱名字八</sup>莎呵<sup>九</sup>

「奉請摩利支天呪，一名摩利支天身呪。呪曰：

「娜謨囉路那<sup>二合</sup>路囉<sup>二合</sup>夜耶<sup>一</sup>摩唎支唎馱<sup>去音</sup>耶<sup>二</sup>摩婆<sup>上</sup>帝移沙<sup>上</sup>彌<sup>三</sup>路姪他<sup>四</sup>婆<sup>上</sup>囉<sup>去</sup>利<sup>五</sup>婆馱梨<sup>六</sup>婆囉呵目溪<sup>七</sup>薩婆<sup>上</sup>徒瑟擔<sup>去二合八</sup>槃<sup>上</sup>馱槃<sup>上</sup>馱<sup>九</sup>娑婆呵<sup>十</sup>」

佛告諸比丘：「若有人識彼摩利支天菩薩者，除一切障難——王難、賊難、猛獸毒蟲之難、水火等難。若人欲行此法者，一切法中此法最勝。持此呪者面向百踰闍那，一切鬼神惡人無能得其便者。若於難中行時，晨起誦前身呪，呪一掬水，四方散灑及灑自身，若衣襟、若衣袂、若袈裟角，一呪一結，總作三結，即往難中行，連誦前二大呪而行，所有一切事難軍防主者，悉皆迷醉，都無覺知之者。」

佛說是經已，告諸比丘、比丘尼、優婆塞、優婆夷、國王、大臣及諸人民等：「聞佛說是摩利支天陀羅尼，一心受持之者，是不為一切諸惡所害。諸比丘，若有人，能書寫讀誦受持之者，若著髻中，若著衣中，隨身而行，一切諸惡悉皆退散，無敢當者。」

是諸四眾、天龍八部禮佛而退，歡喜奉行。

佛說摩利支天菩薩陀羅尼經

丙午歲高麗國大藏都監奉勅彫造



## ● 結誦儀

### 補闕真言

(三編)

南無喝囉怛那. 哆囉夜耶. 佉囉佉囉. 俱住俱住.  
摩囉摩囉. 虎囉. 吽. 賀賀. 蘇怛那. 吽. 潑抹拏. 娑  
婆訶.

### 補闕圓滿真言

(三編)

唵. 呼嚧呼嚧. 社曳穆契. 莎訶

### 普回向真言

(三編)

唵. 娑麼囉. 娑麼囉. 弭麼曩. 薩嚩訶. 摩訶斫  
迦囉嚩吽

南無佛 南無法 南無僧 (合掌三稱)

南無本師釋迦牟尼佛 (合掌三稱)

南無觀世音菩薩摩訶薩 (合掌三稱)

南無護法諸天菩薩 (合掌三稱)

## 禮佛發願文

(一編)

歸命十方調御師 演揚清淨微妙法

三乘四果解脫僧 願賜慈悲哀攝受

但(某甲)自違真性，枉入迷流。隨生死以飄沉，逐色聲而貪染。十纏十使，積成有漏之因；六根六塵，妄作無邊之罪。迷淪苦海，深溺邪途。著我耽人，舉枉措直。累生業障，一切愆尤。仰三寶以慈悲，瀝一心而懺悔。

所願能仁拯拔，善友提攜。出煩惱之深源，到菩提之彼岸。此世福基命位，各願昌隆；來生智種靈苗，同希增秀。生逢中國，長遇明師。正信出家，童真入道。六根通利，三業純和。不染世緣，常修梵行。執持禁戒，塵業不侵。嚴護威儀，蝸飛無損。不逢八難，不缺四緣。般若智以現前，菩提心而不退。修習正法，了悟大乘。開六度之行門，越三祇之劫海。建法幢於處處，破疑網於重重。降伏眾魔，紹隆三寶。承事十方諸佛，無有疲勞。修學一切法門，悉皆通達。廣作福慧，普利塵沙。得六種之神通，圓一生之佛果。然後不捨法界，遍入塵勞。等觀音之慈心，行普

賢之願海。他方此界，逐類隨形。應現色身，演揚妙法。泥犁苦趣，餓鬼道中，或放大光明，或現諸神變，其有見我相，乃至聞我名，皆發菩提心，永出輪迴苦。火鑊冰河之地，變作香林；飲銅食鐵之徒，化生淨土。披毛戴角，負債含怨，盡罷辛酸，咸霑利樂。疾疫世而現為藥草，救療沉疴；饑饉時而化作稻粱，濟諸貧餒。但有利益，無不興崇。次期累世冤親，現存眷屬，出四生之汨沒，捨萬劫之愛纏。等與含生，齊成佛道。虛空有盡，我願無窮。情與無情，同圓種智。

## 迴向偈

(一編)

願以此功德 莊嚴佛淨土  
上報四重恩 下濟三途苦  
若有見聞者 悉發菩提心  
盡此一報身 同生極樂國

十方三世一切佛。一切菩薩摩訶薩。摩訶般若波羅蜜。



## 三皈依

(一編)

自皈依佛，當願眾生，體解大道，發無上心；  
自皈依法，當願眾生，深入經藏，智慧如海；自  
皈依僧，當願眾生，統理大眾，一切無礙。和南  
聖眾。



此咒置經書中可滅誤跨之罪

南无护法韦驮尊天菩萨

